

wider geben / Sintemal / Tod wegnemen  
nichts anders ist / denn das leben wider ge-  
ben / Sunde weg nemen nichts anders ist /  
denn gerechtigkeit wider geben / dauon die  
Schlange ( der Teuffel in der Schlangen )  
Adam vnd Weua sampt allen iren nachkom-  
men / vnd Menschen Kindern bösllich bracht  
hat / vnd durch seine lügen / in die Sünde vnd  
Tod gefellet hat / wie der text klar da stehet /  
Du solt nicht Essen vom Baum / oder du  
must Sterben / Da wider sagt der Eugener  
vnd Mörder / jr mugt wol dauon Essen / vnd  
werdet nicht sterben / Sondern Gotte gleich  
werden / vnd alles wissen / Das ist ( wie dro-  
ben gesagt ) alles von sunden vnd Tod ges-  
redt / so die Schlange gestiftet vnd angericht  
hat / Darumb mus das vntertretten der  
schlangen nichts anders sein / den sein Werck  
vnd macht zerstören / wie Paulus redet / das  
Christus den Tod zerstöret hat / vnd das Les-  
ben ans Liecht bracht / 2. Timo. 1. Was Ju-  
den / Mahmet vnd andere hie suddeln mit  
iren glosen / achten wir nichts / Mose stimmet  
hie mit dem Newen Testament / das ist vns  
gnug.

Solchen verstand / das der Weibes sa-  
me / müsse Gott sein / der dem Teuffel / den  
Kopff zu tretten sol / hat auch Adam vnd We-  
ua gehabt / Denn Gen. 4. da Weua Kain  
geborn